



АКАФИСТ

Архангелу Михаилу



Тропарь, глас 4.

Небѣсныхъ вои́нствъ Архистрати́же, / мо́лимъ тя прѣсно
мы, недосто́йнии, / да тво́ими моли́твами огради́ши нас /
кро́вомъ крилъ невещѣственныхъ твоёя́ сла́вы, / сохра́няя
нас припа́дающихъ приле́жно и вопи́ющихъ: / отъ бедъ из-
ба́ви нас, // я́ко чинонача́льникъ вѣ́шнихъ силъ.

Кондак, глас 2.

Архистрати́же Бо́жий, / служи́телю Божѣственныхъ
сла́вы, / А́нгеловъ нача́льниче и челоуѣковъ наста́вниче, /
поле́зное намъ проси́ и вели́ю ми́лость, // я́ко безплѣтныхъ
А́рхистрати́гъ.



АКЯФИСТ

СВЯТОМУ АРХАНГЕЛУ МИХАИЛУ

Кондак 1.

Избранный Небесных Сил воеводо и рода человеческого заступниче, сиё тебе, иже тобою от скорбных избавляеми, благодарственное приносим пение; ты же, яко предстоиши Престолу Царя Славы, от всяких нас бед свободай, да с верою и любовию в похвалу тебе зовём:

Радуйся, Михайле, великий Архистратиге, со всеми Небесными Силами.

Икос 1.

Яко ангельских огнезрачных ликов предстоятеля, ангельскими убо и языки подобаше восхвалити тя, Михайле; но дондеже вразумляеми тобою навикнем безплотных глаголом, услыши, аще и от человеческих, обаче благодарных устен, сицевая:

Радуйся, звездó мира первообразная; радуйся, свещё истины и правды златозарная.



Ра́дуйся, луче́й све́та несозда́ннаго пе́рвый во
а́нгельских ликостоя́ниях прие́мниче; ра́дуйся,
А́нгелов нача́льниче.

Ра́дуйся, в нем же наивя́щше светле́ется сла́ва
Тво́рческа́я Десни́цы; ра́дуйся, имже красу́ются
собо́ры всех суще́ств безплотных.

**Ра́дуйся, Миха́йле, вели́кий Архистрати́же, со
все́ми Небе́сными Си́лами.**

Кондак 2.

Прови́дяще ве́ры очесы́ вели́чие духо́вныя
красоты́ и си́лу молниеносны́я десни́цы твоея́,
Арха́нгеле Бо́жий, мы, я́ко земни́и и плоти́ю
обложе́ннии, удивле́нием, ра́достию и благодаре́нием
ко Творцу́ вся́ческих исполня́емся, зову́ще со все́ми
Небе́сными Си́лами: **Аллилу́иа.**

Икос 2.

Ра́зум чи́ст и свобо́ден от страсте́й испроси́ нам,
пречу́дный Миха́йле, Небе́сных чино́в нача́льниче,
да возне́сшеся мы́слию от земны́х к Небе́сным, хва-
ле́бную пе́снь воспоём ти си́це:

Ра́дуйся, Бо́жия неизрече́нныя красоты́
и добро́ты ближа́йший зрите́лю; ра́дуйся,
всеблагих сове́тов Пресвяты́я Тро́ицы



прейскренний тайнниче.

Ра́дуйся, превѣчных судѣб Трѳических вѣрный исполнитель; ра́дуйся, е́муже с любѳвию удивля́ются Небѣсная во́инства.

Ра́дуйся, е́гоже с вѣрою прославля́ют земно́роднии; ра́дуйся, е́гоже трепѣщут а́дскія сѣлы.

Ра́дуйся, Миха́йле, вели́кий Архистрати́же, со всѣми Небѣсными Сѣлами.

Кондак 3.

Сѣлу необори́мая ре́вности по сла́ве Бо́жией в себѣ явля́я, стал есѣ во главѣ ли́ков а́нгельских, Миха́йле, проти́ву дѣшащаго злѳбою прегѳрдаго Денни́цы, е́муже со тѣмными клеверѣты е́го с высотѣ небѣсныя в преиспо́дную низвѣржену сѣщу, во́инства Небѣсная, тобо́ю пресла́вне водѣмая, с весѣлием, я́ко е́диными усты́, пред Престо́лом Бо́жиим возгласѣша: **Аллилу́иа.**

Икос 3.

И́мать тебѣ, Арха́нгеле Миха́йле, весь род христиа́нский вели́ка заступника и дѣвна во бра́нех с проти́вными помо́щника; сегѳ ра́ди пречѣднаго покрѳва твоегѳ сподо́битися жела́юще, в день торже́ства твоегѳ взыва́ем ти сѣце:



Ра́дуйся, їмже сатана́, я́ко мо́лния, с небесе́
низве́ржеся; ра́дуйся, їмже храни́мый род
челове́ческий к небеси́ восхо́дит.

Ра́дуйся, всесве́тлаго ми́ра Го́рняго предівное
украше́ние; ра́дуйся, па́дшаго ми́ра до́льняго
пресла́вное заступле́ние.

Ра́дуйся, нико́лиже си́лами зла побежде́нный;
ра́дуйся, со все́ми А́нгелы Бо́жиими в їстине и
пра́вде на ве́ки благода́тию Бо́жиею утвержде́н-
ный.

**Ра́дуйся, Михаїле, вели́кий Архистрати́же, со
все́ми Небе́сными Си́лами.**

Кондак 4.

Бу́ри искуше́ний и бед изба́ви нас, А́нгелов
первопресто́льниче, с любо́вию и ра́достию
пресве́тлое торже́ство твоё соверша́ющих; ты бо
еси́ в беда́х вели́кий помо́щник и в час сме́рти от
злых ду́хов храни́тель и засту́пник всех, вопию́щих
твоему́ и на́шему Влады́це и Бо́гу: Аллилу́иа.

Икос 4.

Ви́дяще твоё проти́ву по́лчищ сатани́нских
дерзнове́ние, вси чи́нове а́нгельстии с ра́достию
подвиго́шася во след тебе́ на брань за їмя и сла́ву



своего Владыки, вопиюще: кто яко Бог? Мы же, ведуще сатану под ногами твоими повержена, тебе, яко победителю, зовем:

Радуйся, имже мир и тишина на небеси водворишася; радуйся, от негоже духове злобы даже до ада низложишася.

Радуйся, ангельския воинства и силы мира невидимаго ко истреблению зла направляяй; радуйся, прю и возмущение стихий мира видимаго незримо укрощаяй.

Радуйся, подъемлющих брань к духовом злобы поднебесным дивный споборниче; радуйся, изнемогающих во искушениях и напастех века сего крепкий помощниче.

Радуйся, Михайле, великий Архистратиге, со всеми Небесными Силами.

Кондак 5.

Боготочный источник превеликих чудес явился еси во храме твоём, иже в Хонех; не точию бо змий великий и страшный, на месте том пребывавый, силою твоєю потребился, но и струи водныя, всякий недуг телесный врачующия, открышася, да вси прославляющему тя Владыце Ангелов с верою зовут: **Аллилуиа.**



Икос 5.

Слы́шаще и ве́дуще тя я́ко свети́ло вели́кое, посреде́ ли́ков а́нгельских блиста́ющая, пречу́дный Миха́йле, к тебе́, по Бо́зе и Пресвяте́й Ма́тери Бо́жией, прибега́ем – озари́ луча́ми све́та твоего́ всех нас, вопи́ющих ти си́це:

Ра́дуйся, вождю́ и храните́лю в пусты́ни наро́да богоизбра́ннаго; ра́дуйся, высо́кий посре́днике зако́на, руко́ю Моисе́я на Сина́и да́ннаго.

Ра́дуйся, у него́же суди́и и вожди́ Изра́илевы си́лу и покрóв обрета́ху; ра́дуйся, чрез него́же проро́цы и первосвяще́нницы иуде́йстии дар ве́дения от Всеве́дущаго Бо́га приима́ху.

Ра́дуйся, богобоя́зненныя законода́вцы та́йною премудро́стию снабдева́яй; ра́дуйся, суд и пра́вду творя́щим бла́гость на се́рдце полага́яй.

Ра́дуйся, Миха́йле, вели́кий Архистрати́же, со все́ми Небе́сными Си́лами.

Кондак 6.

Провозве́стника тя Бо́жиих суде́б егда́ узре́ некогда́ Манóе, недоуме́ния и стра́ха испо́лнися, мне не жи́ти ктому́ на земл́и; науче́н же от жены́ свое́я о бла́гости явле́ния и крóтости словес твои́х, в ра́дости о имев́шем родит́ися, по словеси́ твоему́, сы́не свое́м Сампсо́не, благодарне возопи́ Бо́гу: Аллилу́иа.





Икос 6.

Возсиял еси пречудно славою, Михайле, егда во образе человецесте пред Иисусом Навином стал еси, глаголя: «Иззуй сапог с ногу твоєю, аз есмь Архистратиг Силы Господни». Таковому явлению твоему чудящися, с любовию вопиём ти:

Радуйся, боговенчаннх глав неусыпный охранителю; радуйся, противляющихся власти, яко Божию повелению противящихся, скорый низложителю.

Радуйся, усмирителю народных треволнений; радуйся, незримый упразднителю злочестивых обычаев.

Радуйся, яко ты просвещаеши сумнящихся в час лютых недоумений; радуйся, яко ты исхищаеши искушаемых от пагубоносных наваждений.

Радуйся, Михайле, великий Архистратиге, со всеми Небесными Силами.

Кондак 7.

Хотяй Владыка всяческих показати, яко жребии сынов человеческих не самослучайнии суть, но в Деснице Его вину содержатся, даде ты царствам земным заступника и хранителя, да племена и народы к вечному Царствию Божию уготовляеши; сего ради вси, ведущии о велицем служении твоём



спасёнию человéческому, благодарне зовут Бóгу:
Аллилу́иа.

Икос 7.

Но́вая чудеса́ показá нам, Архистрати́же, тобо́у
на землі всех чудес Творец и Влады́ка, егда́ храм, во
и́мя твоё созданный, от потоплénия вода́ми речны́ми
дивно спáсл еси́, струям пото́ка в недра земна́я
устремитися повелéвый; е́же ви́дя блаже́нный
Архи́пп с духо́вными ча́ды свои́ми, благодарне к
тебе́ возопи́:


Ра́дуйся, святы́х хра́мов Бóжиих несокруши́мая
огра́до; ра́дуйся, враго́м ве́ры Христо́вы
необори́мая прегра́до.

Ра́дуйся, е́гоже велéнию стихии покоря́ются;
ра́дуйся, и́мже вси зло́бнии замыслы сокруша́ются.
Ра́дуйся, ве́рным ра́дость от Престо́ла
Вседержи́теля износя́щий; ра́дуйся, неве́рных на
сте́зю пра́вды и и́стины приводя́щий.

**Ра́дуйся, Михаи́ле, вели́кий Архистрати́же, со
все́ми Небе́сными Си́лами.**

Кондак 8.

Стра́нное чу́до си́лы твоея́, Архистрати́же Бóжий,
уведе́ на себе́ Авваку́м, егда́ по ма́нию Бóжию
восхити́в, принёсл еси́ е́го скороте́чне от Иуде́и



в Вавилон, дати пищу Даниилу, в рове со львы заключену; темже удивлься превеликому действию силы твоея, возопи с верою: Аллилуиа.

Икос 8.

Весь еси в вышних, Михайле, Престолу Царя Славы предстоишь, не далек еси и от нижних, радуя быну со врагами спасения человеческого; темже вси, вождельнаго Отечества Небеснаго достигнути хотящии, согласно тебе зовут:

Радуйся, начальниче трисвятаго ангельскаго пения; радуйся, земнородных присно готовый предстателю и хранителю.

Радуйся, прегордаго фараона с неверными египтяны поразивый страннообразно; радуйся, верныя иудеи путеводивый в пустыни преславно.

Радуйся, имже угасися пламень пещи вавилонския.

Радуйся, Михайле, великий Архистратиге, со всеми Небесными Силами.

Кондак 9.

Вси иноцы Святыя Горы Афонския в радостный трепет приидоша, видяще, како богобоязненна отрока, неистовно от нечестивых златолюбцев



во глубинѹ морскѹю с камнем повѣржена, спасл еси; тѣмже приѣвшаѹ егѠ обитѣль, ѡименем твоѡм красѹющисѹ, благодарне взывѣет ко ГѠсподу: **Аллилѹѡа.**

Икос 9.

Ветѡй глагѠлы и любѠмѹдрѠв смѡслы не довлѣют ко изглагѠланиѹ сѡлы твоеѹ, Михайле, кѠко во едѡну ноцѣ сто Ѡсмыдѣсят и пять тѡсяцѣ поразѡл еси от вѠев царѹ ассирийска Сѣннахирѡма, да накажетсѹ прѠчее не хулѡти Имя ГоспѠдне; мы же, почитѡюще святѹю рѣвность твоѹ о слѠве БѠга Истиннаго, с весѣлием зѠвѣм ти сѡцѣ:

РѠдѹйсѹ, правослѠвных вѠинств непобедѡмый воевѠдо; рѠдѹйсѹ, зловѣрных рѠтей стрѠх и низложѣние.

РѠдѹйсѹ, правыѹ вѣры и богѠпочитѠния насадѡтелю; рѠдѹйсѹ, душеврѣдных ересѣй и раскѠлов искоренѡтелю.

РѠдѹйсѹ, благѠчестѡвыѹ Маккавѣи на пѠле брѠни мнѠгаждѹ укрепѡвый; рѠдѹйсѹ, нечестѡваго вождѹ АнтиѠхова ИлиѠдѠра в самѣм храмѣ поразѡвый.

РѠдѹйсѹ, Михайле, великѡй Архистратѡже, со всѣми Небѣсными Сѡлами.



Кондак 10.

Спасти́ся хотя́щим нам бу́ди помо́щник тверд,
Архистрати́же Бо́жий, избавля́й и храня́й нас от
бед и напа́стей, па́че же от злых на́выков и грехо́в
на́ших, да преспева́юще в ве́ре, наде́жде и любви́
Христо́ве, с ра́достью о предивнем заступле́нии
твоём ко Влады́це А́нгелов и челове́ков благода́рне
зовём: **Аллилу́иа.**

Икос 10.

Стена́ еси́ ве́рующим челове́ком, Архистрати́же
Бо́жий, и сто́лп крѣпок во бра́нех со врага́ми
ви́димыми и неви́димыми; сего́ ра́ди от сетей́
бесовских тобо́ю избавля́еми, благода́рным се́рдцем
и усты́ зовём си́це:

Ра́дуйся, враго́м ве́ры и сопроти́вником
Святы́я Це́ркве непобеди́мый противобо́рниче;
ра́дуйся, смире́нным провозвѣстником Ева́нгелия
неутоми́мый споспѣшниче.

Ра́дуйся, во тьме злове́рия сидя́щих све́том ве́ры
Христо́вы просвеща́й; ра́дуйся, лжемудрием
обьюро́девших на стезю́ и́стины и пока́яния
наставля́й.

Ра́дуйся, гро́зный отмсти́телю клену́щимся
И́менем Бо́жиим все́; ра́дуйся молниеносный



карателю глумящихся безумне о таинствах
святыя веры.

**Радуйся, Михайле, великий Архистратиге, со
всеми Небесными Силами.**

Кондак 11.

Пение всякое хвалёбное побеждается
множеством чудес твоих, Архистратиге Божий,
яко совершена суть тобою не точию на небеси и
на земли, но и в тёмных сёнех преисподней, идеже
глубиннаго змия связал еси узами силы Господней,
да избавляемии от злобы его благословят Владыку
небесэ и земли, зовуще: **Аллилуиа.**

Икос 11.

Светоносный служитель истины и чистоты
богопочитания явился еси, Архистратиге, егда,
провидя козни духа тьмы, воспретил еси ему Именем
Божиим, да не дерзнёт сокровенное тело почившаго
вождя Израилева Моисеа явити ко обожению
чувственным сыновом Израилевым; сего ради,
чтоще ныне благосветлый собор твой, благодарне
вопиём ти:

Радуйся, чистоту боговедения во дни Ветхаго
Завета среди иудеев сохранивый; радуйся,



плéвелы заблудéний во днi Нóвья Благодáти
мнóгажды искоренiвый.

Рáдуйся, язýческих прорицáлиц и кумiров
истребiтелю; рáдуйся, христиáнских подвiж-
ников и страсотéрпцев укрепiтелю.

Рáдуйся, немощнýя дýхом síлою благодáти
Бóжия исполняй; рáдуйся, изнемогаýщая
плóтию всеорýжием вéры облекай.

**Рáдуйся, Михайле, великий Архистратiже, со
всеми Небéсными Сiлами.**

Кондак 12.

Благодáть от Бóга с небесé испросi нам,
поýщим во слáву всечестнáго iмене твоегó,
Михайле, да, осеняеми твоим заступлением, во
всяком благочéстии и чистотé поживём, дóндеже,
отрешéнии смёртию от уз плóти, сподóбимся
предстáти огнезрáчному Престóлу Царя слáвы и с
лики Áнгельскими возопiти: **Аллилуиа.**

Икос 12.

Поýще многообразная твоя чудесá, Михайле, во
спасéние нáше содёянная, молим Гóспода и Владыку
всяческих, да дух рéвности по слáве Бóжией, iже в
тебé, николiже оскудéет и в нас, зовýщих ти сiце:



Ра́дуйся, вѣрных рабо́в Бо́жих во время благопотре́бно на высоту́ власти предивне поставля́я; ра́дуйся, проде́рзых и недосто́йных с высоты́ си́лы и сла́вы незримо низлага́я.

Ра́дуйся, в день послѣдний избра́нных от четырёх концевъ земли́ имѣяй собра́ти; ра́дуйся, ѡмже грѣшныя, ꙗко плѣвелы, по гла́су Бо́жию огню́ вѣчному пре́даны бѹдут.

Ра́дуйся, ѡмже сатана́ со а́нгелы его́ о́зеро о́гненное на вѣки пове́ргнется; ра́дуйся, ѡмже пра́веднии во оби́телях Отца́ Небе́снаго пресла́вне водворя́тся.

Ра́дуйся, Миха́йле, вели́кий Архистрати́же, со все́ми Небе́сными Си́лами.

Кондак 13.

О пречу́дный Арха́нгелов и А́нгелов нача́льниче, за предивное служѣние твоѣ спасѣнию ро́да челове́ческаго приими́ от нас возноси́мый к тебѣ ны́не глас хвалы́ и благодарѣния, и, ꙗко испо́лнь си́лы Бо́жией, покрый́ нас невещѣственнымима крило́ма твои́ма от всех врагъ ви́димых и неви́димых, да прославля́емому тобо́ю и просла́вившему тя Го́споду ви́ну зове́м: **Аллилу́иа.**

Этот кондак читается трижды.



Икос 1.

Яко а́нгельских огнезра́чных ли́ков предсто́ятеля, а́нгельскими у́бо и язы́ки подоба́ше восхва́лити тя, Миха́йле; но до́ндеже вразумля́емии тобо́ю нави́кнем безплóтных глаго́лом, услы́ши, а́ще и от челове́ческих, о́баче благода́рных устѣн, сицева́я:

Ра́дуйся, звездó ми́ра первообра́зная; ра́дуйся, свещé и́стины и пра́вды златоза́рная.

Ра́дуйся, луче́й свѣта несозда́ннаго пѣрвый во а́нгельских ликостоя́ниях приѣмниче; ра́дуйся, А́нгелов нача́льниче.

Ра́дуйся, в нем же наивя́щше светле́ется сла́ва Тво́рческа́я Десни́цы; ра́дуйся, имже красу́ются собо́ры всех сущѣств безплóтных.

Ра́дуйся, Миха́йле, вели́кий Архистрати́же, со все́ми Небе́сными Си́лами.

Кондак 1.

Изра́нный Небе́сных Си́л воево́до и ро́да челове́ческаго заступни́че, си́е тебе́, и́же тобо́ю от ско́рбных изба́ляемии, благода́рственное прино́сим пѣние; ты же, я́ко предсто́яй Престо́лу Царя́ Сла́вы, от вся́ких нас бед свобо́ждай, да с ве́рою и любóвию в похвалу́ тебе́ зове́м:

Ра́дуйся, Миха́йле, вели́кий Архистрати́же, со все́ми Небе́сными Си́лами.



Молитва.

Святѣй и великій Архангеле Божий Михайле, неисповедимыя и пресущественныя Троицы первый во Ангелех предстоятелю, рода же человѣческаго приставниче и хранителю, сокрушивый с воинствы своими главу прегордаго Денницы на небеси и посрамляяй вину злобу и коварства его на земли! К тебе прибегаем с верою и тебе молимся с любовию: буди щит несокрушим и забрало твердо Святей Церкви и Православному Отечеству нашему, ограждая их молниеносным мечем твоим от всех враг, видимых и невидимых. Не остави же, о Архангеле Божий, помощь и заступлением твоим и нас(имя), прославляющих днесь святое имя твое: се бо, аще и многогрешнии есмы, обаче не хощем в беззаконных наших погибнути, но еже обратитися ко Господу и оживленным быти от Него на дела благая. Озарй убо ум наш светом лица Божия, иже вину сияет на молниевиднем челе твоём, да возможем разумети, что есть воля Божия о нас, благая и совершенная, и вѣдети вся, яже подобает нам творити и яже презирати и оставляти. Укрепи благодатию Господнею слабую волю и немощное произволение наше,



да, утвердившись в законе Господнем, престанем прочее влаться земными помысли и похотении плоти, увлекающеся по подобию несмысленных детей скорогибнущими красотами мира сего, яко ради тленного и земного безумне забыватьи вечная и небесная. Над всеми же сими испроси нам свыше дух истинного покаяния, нелицемерную печаль по Бозе и сокрушение о гресех наших, да остающее нам число дний временного живота нашего иждивем не во угождении чувств и работе страстем нашим, но во изглаждении зол, содеянных нами, слезами веры и сокрушения сердечного, подвигами чистоты и святыми делами милосердия. Егда же приблизится час окончания нашего, освобождения от уз бренного сего телесе, не остави нас, Архангеле Божий, беззащитных противу духов злобы поднебесных, обыкших преграждати душе человечестей восход в Горняя, да охраняеми тобою, безпреткновенне достигнем оных преславных селений райских, идеже несть печаль, ни воздыхание, но жизнь безконечная, и, сподобльшися узрети пресветлое лице Всеблагаго Господа и Владыки нашего, падше со слезами у ног Его, в радости и умилении воскликнем: слава Тебе, дражайший Икупителю



наш, Иже за премно́гую любóвь Твою́ к нам, недостóйным, благоволи́л еси́ послáти А́нгелы Твоя́ в служéние спасéнию нáшему! Амíнь.

Величание Небесным Силам бесплотным:

Велича́ем вас,/ Арха́нгели, и А́нгели/ и вся Во́инства,/ Херувíми и Серафíми,// сла́влящи Го́спода.